

春秋正傳（五）

西樞歷史文化文獻叢書

春秋正傳（五）

（明）湛若水 編著

GUANGXI NORMAL UNIVERSITY PRESS
桂林·
廣西師範大學出版社



春秋三傳卷之三十二

增城湛若水甘泉撰

族孫祖貴重刊

昭公

景王二十

二十有二年

晉頃六年齊景二十八年衛靈公十五年蔡悼二年鄭定十年曹

悼四年陳惠十年杞平十六年宋元十

二年秦哀十七年楚平九年吳僚七年

春齊侯伐莒

正傳曰齊侯齊景也書齊侯伐莒志矜憤之兵也左

氏曰春王二月甲子齊北郭啓帥師伐莒莒子將戰

苑羊牧之諫曰齊帥賤其求不多不如下之大國不

可怒也弗聽敗齊師于壽餘齊侯伐莒莒子行成司

春秋正傳

卷之三十二

馬竈如莒涖盟莒子如齊涖盟盟于稷門之外莒於是乎大惡其君

宋華亥向寧華定自宋南里出奔楚

正傳曰書宋華亥向寧華定自宋南里出奔楚則宋再逸賊楚重納叛之罪竝見矣左氏曰楚遠越使告于宋曰寡君聞君有不令之臣爲君憂無寧以爲宗羞寡君請受而戮之對曰孤不佞不能媚於父兄以爲君憂拜命之辱抑君臣曰戰君曰余必臣是助亦唯命人有言曰唯亂門之無過君若惠保敝邑無亢不衷以獎亂人孤之望也唯君圖之楚人患之諸侯

之成謀曰若華氏知困而致死楚耻無功而疾戰非
吾利也不如出之以爲楚功其亦無能爲也已救宋
而除其害又何求乃固請出之宋人從之已巳宋華
亥向寧華定華龜華登皇奄傷省臧士平出奔楚宋
公使公孫忌爲大司馬邊卬爲大司徒樂祁爲司城
仲幾爲左師樂大心爲右師樂輓爲大司寇以靖國
人胡氏曰華向誘殺羣公子又劫其君取其太子母
弟爲質又求助於吳楚蠻夷入據其國都以叛此必
誅不赦之賊也宋宜竭力以討之於內諸侯宜協心
必救之於外楚子宜執叛臣之使而戮之於境今楚

春秋正傳

卷之三十一

人釋君而臣是助諸侯之戍怠於救患固請逸賊而宋又從之則皆罪也故晉荀吳齊苑何忌衛公子朝曹大夫皆畧而不書其曰自宋南里者譏宋之縱釋有罪不能致討出奔楚者不待貶絕而亢不衷獎亂人之惡自見矣

大蒐于昌間

正傳曰昌間魯地何以書胡氏曰昭公之時凡三書蒐或以非其時或以非其地而大意在權臣專行公不與也三綱軍政之本古者春蒐夏苗秋獮冬狩皆於農隙以講事而所至者明貴賤辨等列順少長習

威儀則皆納民於軌物而非馳射擊刺之末矣是故
觀于有莘少長有禮知可用也而文公遂霸臨於洛
陽袒而發喪爲義帝也而漢祖遂王今魯國其君則
設兩觀乘大輅其臣則八佾舞於庭旅泰山以雍徹
其宰則據大都執國命而軍政之本亡矣何以蒐爲
此春秋所書爲後戒之意也

夏四月乙丑天王崩

正傳曰書乙丑天王崩志天下之大變也左氏曰王
子朝賓起有寵於景王王與賓孟說之欲立之劉獻
公之庶子伯蚩事單穆公惡賓孟之爲人也願殺之

春秋正傳

卷之三十一

又惡王子朝之言以爲亂願去之賓孟適郊見雄雞
自斷其尾問之侍者曰自憚其犧也遽歸告王且曰
雞其憚爲人用乎人異於是犧者實用人人犧寶難
已犧何害王弗應夏四月王田北山使公卿皆從將
殺單子劉子王有心疾乙丑崩于榮錡氏戊辰劉子
摯卒無子單子立劉蚰五月庚辰見王遂攻賓起殺
之盟羣王子于單氏愚謂由是觀之則景王不得崩
於正寢非以正終矣

六月叔鞅如京師葬景王

正傳曰書叔鞅如京師葬景王著非禮也天子七月

而葬同軌畢至今景王踰月而葬無天王之禮矣魯公不奔天子之喪而使大夫往會葬失禮不臣之大者也故春秋詳書以竝見之

王室亂

正傳曰書王室亂志內變也左氏曰丁巳葬景王王子朝因舊宮百工之喪職秩者與靈景之族以作亂帥郊要餞之甲以逐劉子壬戌劉子奔揚單子逆悼王于莊宮以歸王子還夜取王以如莊宮癸亥單子出王子還與召莊公謀曰不殺單旗不捷與之重盟必來背盟而克者多矣從之樊頃子曰非言也必不

春秋正傳

卷之三十一

四

克遂奉王以追單子及領大盟而復殺摯荒以說劉
子如劉單子以乙丑奔于平時羣王子追之單子殺
還姑發弱醴延定稠子朝奔京丙寅伐之京人奔山
劉子入于王城辛未鞏簡公敗績于京乙亥甘平公
亦敗焉叔鞅至自京師言王室之亂也閔馬父曰子
朝必不克其所與者天所廢也愚謂王室京師也京
師天下之本本亂則天下亂矣故春秋書之聖人憂
世之志可見矣公羊以爲王室亂言不及外鑿矣胡
氏曰何言乎王室亂王者以天下爲家則以京師爲
室京師者本也周公作立政曰迪惟有夏乃有室大

競其作鴟鴞詩以遺成王亦曰旣取我子無毀我室
皆指京師言之也以京師爲室王畿爲堂諸夏爲庭
戶四夷爲藩籬治外者先自內治遠者先自近本亂
而未治者否矣景王寵愛子朝使孽子配嫡以本亂
者其言王室譏國本之不正也本正而天下定矣
劉子單子以王猛居于皇

正傳曰劉子名蚩單子名旗以者以之也後倣此穀
梁以爲稱以者不以者也胡氏以爲尊不以乎卑非
矣左氏曰單子欲告急於晉秋七月戊寅以王如平
時遂如圃車次于皇愚按猛太子壽之弟景王之子

卷之三

卷之三

壽卒宜立而八年未立者王愛庶子朝欲立之未果而崩故諸大臣競欲立君諸王子爭立此王室所以亂然以正則有猛以寵則有朝立猛正也立朝非正也故劉單二公奉之居于皇書劉子單子以王猛居于皇志得正也

秋劉子單子以王猛入于王城

正傳曰書劉子單子以王猛入于王城善得正也左氏曰劉子如劉單子使王子處守于王城盟百工于平宮辛卯鄢勝伐皇大敗獲鄢勝壬辰焚諸王城之前八月辛酉司徒醜以王師敗績于前城百工叛已

已伐單氏之宮敗焉庚午反伐之辛未伐東囿冬十月丁巳晉籍談荀躒帥九州之戎及焦瑕溫原之師以納王于王城庚申單子劉蚩以王師敗績于郊前城人敗陸渾子社胡氏曰猛未踰年何以稱王示當立也旣當立矣何以稱名明嗣君也曰王猛者見居尊得正又以別乎諸王子也君前臣名劉單不名而王名不嫌於倒置乎曰君前臣名常禮也禮當其變臣有不名名其君而不嫌者矣王不當稱未踰年而稱王名不當稱立爲君而稱猛皆禮之變也惟可與權者能知其變而不越乎道之中此正論也又謂再

卷之三

卷之三

書劉單之以王詞繁而不殺必有美惡焉劉單專國柄書而未足故再書以著上下舛逆爲後世戒則過矣蓋春秋就事論事而美惡見焉二子之翊戴王猛正矣不保其往固仲尼之心也

冬十月王子猛卒

正傳曰書王子猛卒志天下之大變也通鑑王猛爲庶弟子朝所弑左氏曰十一月乙酉王子猛卒不成喪也已丑敬王卽位館于子旅氏十二月庚戌晉籍談荀躒賈辛司馬督帥師軍于陰于侯氏于谿泉次于社王師軍于汜于解次于任人閏月晉兵遺樂微

右行詭濟師取前城軍其東南王師軍于京楚辛丑
伐京毀其西南

十有二月癸酉朔日有食之

正傳曰書癸酉朔日有食之志天變也

敬王二十有三年晉頃七年齊景二十九年衛靈十六
元年年蔡悼三年卒鄭定十一年曹悼五
年陳惠十一年杞平十七年宋元十三
年秦哀十八年楚平十年吳僚八年

春王正月叔孫舍如晉

正傳曰書叔孫舍如晉志邦交之禮也

癸丑叔鞅卒

正傳曰書叔鞅卒志國卿之大故也

春秋正傳

卷之三十二

七

晉人執我行人叔孫舍

正傳曰書晉人執我行人叔孫舍失信義也左氏曰邾人城翼還將自離姑公孫鉏曰魯將御我欲自武城還循山而南徐鉏丘弱茅地曰道下遇雨將不出是不歸也遂自離姑武城人塞其前斷其後之木而弗殊邾師過之乃推而墜之遂取邾師獲鉏弱地邾人愬于晉晉人來討叔孫婣如晉晉人執之書曰晉人執我行人叔孫婣言使人也晉人使與邾大夫坐叔孫曰列國之卿當小國之君固周制也邾又夷也寡君之命介子服回在請使當之不敢廢周制故也

乃不果坐韓宣子使邾人聚其衆將以叔孫與之叔孫聞之去衆與兵而朝士彌牟謂韓宣子曰子弗良圖而以叔孫與其讎叔孫必死之魯亡叔孫必亡邾邾君亡國將焉歸子雖悔之何及所謂盟主討違命也若皆相執焉用盟主乃弗與使各居一館士伯聽其辭而愬諸宣子乃皆執之士伯御叔孫從者四人過邾館以如吏先歸邾子士伯曰以芻蕘之難從者之病將館子於都叔孫旦而立期焉乃館諸箕舍子服昭伯於他邑范獻子求貨於叔孫使請冠焉取其冠法而與之兩冠曰盡矣爲叔孫故申豐以貨如晉